

插图本中国古代史料集成

(第一輯)

五八

綫裝書局

欽定大清會典圖卷二百十二

輿地七十四


涼州府圖

甘州府圖

化平川廳圖


涼州府圖一

中



涼州府圖二

南



涼州府在省治西北五百六十里至

京師四千五百六十里。領廳一縣五。治武威東北
鎮番。東南古浪平番莊浪廳西北永昌大通河
自西甯府西甯縣東南流入界。經平番縣西。又
東南會湟河。湟河又東南入蘭州府河州界莊
浪河出平番縣西北山。二源合東南流經鎮羌
營南。又東南石出為岔口渠。武勝堡渠又南經
治西石納大沙溝水。又南入蘭州府河州界古
浪河出古浪縣南烏梢嶺。東北流合火燒溝石
門峽河。響水河古羌河。經縣治東。又東北流出


界豬於白海沙河即郭河匯府南境天山以北
諸渠水東北流經蔡旗堡至鎮番縣南左納北
新溝水出邊經槍杆嶺北左分四支渠又東折
北流出界豬於魚海金塔寺渠出天梯山北流
經南把截口至金塔寺堡分流夾府治而北合
北流會於沙河雜木河出卯藏山東北流歧為
二右曰雜木渠左曰大七渠經府治東南又東
北流豬為黑木林湖又東北亦會於沙河沙溝
水自沙溝東北流黃羊渠自張義堡東北流經
府治東南雙塔堡東北合流亦會於沙河永昌

渠懷安渠同出府治南白嶺山西北流經西把
截口歧為二並東北流右支經永昌堡為永昌
渠左支經懷安驛為懷安渠合東北流亦會於
沙河又一水出永昌縣東南北流至炭山歧為
二並東流南支曰炭山河注懷安渠北支東流
會於沙河水磨川出縣西南鴛鳥山合三小水
西北流經縣西折東北經甯遠堡西又北流出
界豬於昌甯海祁連山即天山在府南境亦不
喇山在鎮番縣北境府東至北界內蒙古阿拉
善額魯特旗西及西北界甘州府南及西南界

西甯府東南界蘭州府。

甘
州
府
圖

欽定大清會典圖



甘州府在省治西北一千四十里至

京師五千四十四里。領廳一縣二。治張掖東南山丹西北撫彝廳黑河二源。一曰山丹河。一曰張掖河。山丹河出山丹縣西南祁連山北流經永固營折西北左出為童子渠。又北五泉出縣西南山合西北流注之。又北至縣治南曰山丹河。寺溝泉水出縣西南山合二水來注之。又西北支津左出西南流潴為湖。又西經府治張掖縣東東樂城北。又西北受九龍江水。水出縣東南山曰洪水河。曲折西北流左受一小水。又西北

蘇油河出縣南山合大都口小都口二水北流
注之又北大陽化渠小陽化渠並出縣南野牛
山合東北流注之。又北左納大滿渠小滿渠水
又北曰九龍江注山丹河山丹河又西北經府
治北左通張掖河支渠又西北右出為有本渠
又西北與張掖河會。張掖河出縣西南曲折北
流支渠歧出左為西洞渠巴吉渠溫波渠敬依
渠右為木龍堪渠馬子渠古浪渠大滿渠小滿
渠盈科渠大官渠加官渠城北渠。張掖河又曲
折而北與山丹河會。是為黑河。左受二小水右